

依楞嚴究竟夏懺

C40  
4514  
(70)

C40-4514

了翁上座請入藏及有  
家普賢云云此雲山  
我微安塔院度唐中永  
為學子者不敢許出院內  
當山二世鐵牛焚燒誌



B 64853

依楞嚴究竟事懺卷上

凡熏修楞嚴究竟懺法不須別作佛事不必申奏  
表牒不用金銀錢楮不動鏡鉞雲鑼但當延名僧

善士朗誦懺文靜觀罪性觀想

佛象至誠禮拜必致感應夫水清月現鏡淨像生克  
念在我無有不如願者矣 一隨力陳設

佛像 菩薩像 羅漢像 諸天護法像 淨水

淨茶 淨鏡 名香 燈燭 時花 時果

時菴 三德之飯 六味之蔬 凡室中所有珍  
寶妙物鮮潔段帛悉要列供不可隱細用麤匿新

支那

辰野學堂藏書

使敝

先誦大佛頂首楞嚴呪結界 次嚴淨祝讚

次開啓懺法

上卷入懺啓白

切以塵寰滾滾業海茫茫最初不覺忽起無明始從法界分流遂至隨緣汨沒奔趨逐境各不相知界則成住壞空心則生住異滅五蘊蓋覆五欲恣荒念慮飄忽如空中之游塵動作輕狂似海中之波浪繇是依心起法見境生情六道之輪迴不息七趣之形狀無涯空散銷沉悉具如來德相飛行蠢蠕俱稟善逝

靈知天宮多樂人道難生芥投針孔其中之風雨最艱龜值浮槎此際之狂瀾非易雖三因三緣之已具而七七十月之罕成住胎出胎受苦萬狀三週九歲疾疹多般既有夫婦之偕便嬰男女之累紛飛心緒勞碌形骸著劫耽人愛美憎惡世法濃染等膠漆之粘連情欲纏綿若魚水之膠轉趨時胃陰害他保身為利殺牲以錢網肉但知養其口體不念殃及無辜錙銖是爭睚眦必報一生蠶蹙開口之笑希逢畢世熬煎稱意之專能幾官高爵厚寵辱若驚庫溢倉陳得失尤患天橫疾病衰朽龍鍾林林而生泯泯而死

當捨壽時生龜脫筒徒盼難割之骨肉空牽苦積之田財惡業冤讐追尋不釋結習煩惱貼體不離非入火鑊刀山定配披毛戴角是以大覺出世迷人之大夢喚回聖教流傳季葉之苦輪可息開慈悲法眼憫弱喪窮途罪惡已構何能自拔泥犁福善續爲庶得贖其過咎地跌還從地起心造要以心除闡懺悔法門度沉淪苦類今者禮懺衆等何幸預修從此改過尚新懼罪遷善焚香散花設像禮拜千年積暗燃一燈以破除萬劫重迷聆片言而領悟前念着境後念遠離邪見銷鎔正信牢固有漏有爲空華水月能覺

所覺谷響乾城達罪性之本空入唯心之識定我秉耿耿聖鑑昭昭伏願不逢惡友不遇惡緣不發惡言不起惡念善業純熟善果圓成善法行持善人接引星辰順旺運限亨通四時吉利營求果遂其心百歲康寧福祉介萃於體諸天擁護魔恠潛藏不作十習之因不受六交之報直往菩提逕登彼岸更願人人悔悟物物豐饒政教化成雨暘時若無龍鬪蛟起山崩岸圻之災無地動水立屋倒舟沉之患無兵戈之釁無饑饉之虞無疫癘蟲蝗無盜賊奸宄玉燭恒調金甌永固萬方普順於

撰述  
依楞嚴究竟事懺  
一人四夷遵行於十善各保疆宇共樂昇平不爲尤  
物所移不被宵人所誘不至暴珍天物不敢違逆天  
心報應如影響因果如瓜豈理必填還事無差爽俱  
懷恐懼同修懺悔深省無常苦空期獲常樂我淨虔  
誠啓白智照證盟

開懺偈

得成菩提降伏魔 宣說佛名懺悔法  
三千諸佛誅此興 我今諦信願如是

依楞嚴究竟事懺卷上

南中鷄足山悉檀寺沙門釋禪修述

大衆至誠心	建立懺悔法	嚴淨結壇場
香花爲供養	當發深淨信	信佛語教導
先敬禮三寶	後各自陳意	無始至於今
三業十惡罪	六根爲賊媒	自劫家中寶
五陰主人迷	隨妄想流轉	妄取諸塵境
妄入六趣中	知妄卽當離	幻離成正覺
悔悟必悛改	當觀罪性空	若欲懺悔者
端坐念實相	如日照虛空	如燈然暗室

見真如法界 潔淨離垢染 從此極未來

同一切衆生 俱得白淨法 速成菩提道

開啓楞嚴究竟懺法一心頂禮

南無盡虛空徧法界十方三世塵刹刹帝網無盡

常任佛陀耶 一唱一和拜下

南無盡虛空徧法界十方三世塵刹刹帝網無盡

常任達麼耶

南無盡虛空徧法界十方三世塵刹刹帝網無盡

常任僧伽耶

華嚴經行願品普賢菩薩告善財言善男子言懺除

業障者菩薩自念我於過去無始劫中由貪瞋癡發  
身口意作諸惡業無量無邊若此惡業有體相者盡  
虛空界不能容受我今悉以清淨三業徧於法界極  
微塵刹一切諸佛菩薩衆前誠心懺悔後不復造恒  
任淨戒一切功德如是虛空界盡衆生界盡衆生業  
盡衆生煩惱盡我懺乃盡而虛空界乃至衆生煩惱  
不可盡故我此懺悔無有窮盡念念相續無有間斷  
身語意業無有疲厭觀藥王藥上經云釋迦牟尼佛  
告大衆言我曾往昔無數劫時於妙光佛末法之中  
出家學道聞是五十三佛名心生歡喜復教他人展

轉聞持至三千人敬禮諸佛因緣超越無數億劫生死之罪初千人爲華光佛至毘舍浮佛於過去莊嚴劫成佛中千人爲拘留孫佛至樓至佛於現在賢劫次第成佛後千人爲日光佛至須彌相佛於星宿劫當得成佛佛告寶積十方現在諸佛善德如來等亦得聞是佛名故各皆成佛若有衆生欲得除滅四重禁罪欲得懺悔五逆十惡欲得除滅無根謗法極重之罪當勤禮敬五十三佛名號三聚經云諸佛在世當慈念我若我此生若我前生從無始生死以來所作衆罪若自作若教他作見作隨喜若塔若僧若四

方僧物若自取若教他取見取隨喜五無間罪若自作若教他作見作隨喜十不善道若自作若教他作見作隨喜所作罪障或有覆藏或不覆藏應墮地獄餓鬼畜生諸餘惡趣邊地下賤及茂戾車如是等處今皆懺悔所有善根廻向阿耨多羅三藐三菩提今此在會僧俗信善男女欽遵聖教起深淨信俱發菩提心設像作法熏修懺悔法門諦觀無生真理涅槃經言有二健兒一不作罪二作已能悔然我等又在凡夫地生心起念動身發語無非罪過何能不作惟是積迷稔惡深習厚染無勇健心不知悛革所以輪

廻六道莫繇自拔今者何幸得遇懺法正是作已能悔之時梵語懺摩此云請忍亦云悔過就此而言則知獲罪三寶天龍父母師長同壇尊臘便當懇請忍受寬耐慈悲解釋宥恕我罪容我懺謝至於一切自作自受負命負財明搆陰謀欺昧難測等罪尤當警惕心慮鞭策六根發七種心懺三種障與慚識愧尅責內省痛加改悔矢志圖新後不復造繇此一念惺悟怨艾之明乘三寶力頓使從前罪狀霧散冰消怨解讐釋各發善念共趣道場先懺十種順生死心以爲所治一妄計人我起於身見二內具煩惱外遇惡

緣我心增盛三內外既具滅善心事不喜他善四縱恣三業無惡不爲五事雖不廣惡心徧布六惡心相續晝夜不斷七覆諱過失不欲人知八虜扈抵突不畏惡道九無慚無愧不懼凡聖十撥無因果作一闡提從無始來無不皆爾今當回心發善逆生死流順涅槃道且惟狂克念作聖唯迷省悟爲覺在理灼然易於反掌各宜發誠信心除疑惑想切勿執着世說辜負已靈覓頭奔走爲迷中之倍人開眼昏沉作醒時之醉漢良以聰明之士忽畧無常志氣逸越不念登高繇卑行遠自邇徒欲驟躡崇臺絕塵天表究竟



實際空過一生既知其失相與躬行力踐實所非遙  
各自努力身口意業精一至到不知其它惟見巍巍  
相好如來舉體光明慈容怡悅與我自身非一非異  
充滿虛空我今五體投地盡禮無餘感應道交桴鼓  
不爽普為一切眾生歸依無量無邊大慈悲父

於佛名經

菩提流支譯本畧出

南無過去毗婆尸佛

南無尸棄佛

南無毗舍浮佛

南無拘留孫佛

南無拘那含牟尼佛

南無迦葉佛

南無本師釋迦牟尼佛

南無當來彌勒佛

南無楞嚴會上寶光留照十方微塵數諸佛

南無五十三佛

南無三十五佛

南無百七十佛

南無過去莊嚴劫千佛

南無現在賢劫千佛

南無未來星宿劫千佛

南無東方阿閼佛

南無南方普滿佛

南無西方無量壽佛

南無北方難勝佛

南無東南方治地佛

南無西南方那羅延佛

南無西北方月光面佛

南無東方寂諸根佛

南無下方實行佛

南無上方無量勝佛

南無文殊師利菩薩

南無普賢菩薩

南無觀世音菩薩

南無得大勢至菩薩

南無常隨佛學一千二百五十大阿羅漢

楞伽經云藏識海常住境界風所動種種諸識浪騰躍而轉生解深密經云阿陀那識甚微細一切種子如瀑流首楞嚴經云陀那微細識習氣成瀑流阿毘達摩經云緣攝藏諸法一切種子識故名阿賴耶勝者我開示則知此識體卽如來藏以其受熏持種是生死之根本若離念清淨乃涅槃之正音緣夫真如隨緣不生滅與生滅和合妄見根身器界善惡好醜起惑造業隨因受報法身輪轉於五趣故名衆生雖

摩尼珠不爲垢染而又沒污泥當以方便索出譬諸澄水磨鏡漸見清明登金剛道普照十方成此大事因緣不枉丈夫肩宇脫一念相應從緣悟入猶有無始種現習氣亦須併淨各當自陳自訟應觀外四大造色爲器界內四大造色爲根身從曠劫來緣眼耳鼻舌身意六根貪色聲香味觸法六入依根發識識能了別假名爲心所謂心者非身內之赤肉團乃精神靈妙集諸種子起現行故能熏積諸法種故能緣慮自分境故緣是依心王起法與心相應而繫屬故曰作意於所緣境警令心起引之趣境觸境爲性領

納違順生歡感相取隊施設造作思惟貪於樂具噴  
於苦具恃已慢他不明無慧疑豫諦理如六羣之黨  
邪顛倒見計若六師之習僞抱忿懷恨追惱憶惡隱  
覆欺自每懊悔不安矯詐罔他恒諂順非實僞一技  
而傲物報微忤而害人聞他榮善則萬箭攢心見有  
義爲則一毛傷體不耻私犯寧顧惜於羞慚遑恤公  
評罕芥蒂於愧惡豈信德業爲身之四維恣行不簡  
何知勤慎爲道之三寶懶軟無條放曠六根損障三  
善居諸曹懂惟溷濁於昏沉積索輕浮特囂煩於掉  
舉其正念則健忘其惡慧則流注耽睡眠而情耳暗

劣樂非禍而自陷刑章尋求麓曠以忽遽乎名言伺  
察細微以潛幽乎意思別別觀境數數取趣此心所有致帶質無  
質見分相分法我人我執非謬之度量能緣所緣實  
染淨之依附獨頭獨影孰測心境之端倪去後來先  
難作死生之主宰是以出沒三塗循環六道何業不  
造何類不遊或受山峰之巨身或賦遊塵之眇質惡  
多善少樂短苦長今者幸獲人身隔生失憶苟知宿  
命恐懼靡寧從茲已去各帶無常未卜作何面孔必  
冀勝於今生能秉此志惡宜改圖願與一切衆生若  
親若怨若幽若顯若微若著四生九類自有識神已

來無明所覆結使所纏煩惱所亂蘊蓋所遮構有形  
之寃對愈大海之波瀾締無相之愆尤等太虛之涯  
際直須從前洗滌徹底掀翻如割髮及膚剪爪侵體  
至誠真切說已罪名面對聖容哀受我悔一時凜雪  
相與五輪着地懇禱禮拜如來所知才方三世大慈  
悲父

南無六十功德寶佛

南無六十二毘留羅佛

南無八萬四千自在幢佛

南無二百大幢佛

南無五百淨聲王佛

南無五百波頭摩王佛

南無五百日聲佛

南無五百樂自在聲佛

南無五百普光佛

南無五百波頭摩上王佛

南無七百法光莊嚴佛

南無千法莊嚴王佛

南無百億微塵金剛藏佛

南無三萬散花佛

南無三萬三百稱聲王佛

南無千八百寂滅佛

南無八萬四千阿難陀佛

南無千八百寂滅佛

南無五百歡喜佛

南無五百威德佛

南無五百上威德佛

南無五百日王佛

南無千雲雷聲王佛

南無千日熾自在聲佛

南無千離垢聲自在王佛

南無千勢自在聲佛

南無二十五圓通菩薩

南無地藏菩薩

南無虛空藏菩薩

南無金剛藏菩薩

南無解脫月菩薩

經言世界無邊衆生無量前際無始後際無終今此  
所居中國不啻稊米之在太倉前此受過身形亦逾  
野馬之飄廣莫則知已成諸佛微塵數極微塵數將  
成諸佛恒河沙盡恒河沙目前新新不住念念遷流  
剎那剎那生滅生滅吾猶昔人非昔人見雖不皴面  
已皴撫躬循想既往晦昧良用惕然夫絕不知三細  
六麤安能斷九地九品攀緣彌久擾動益加力難砥

柱中流惟任奔波東逝山川非險天道易知覆雨翻  
雲亂朱變白陽善陰惡面是背非陰符揣摩縱橫名  
法蘇張范蔡種蠡孫吳蓄留侯之奇謀用曲逆之秘  
計殘忍莫讓於白起慘毒無殊於商鞅或假仁義而  
盜名或飾忠貞而竊國或強食弱肉以衆而暴寡或  
貶善褒惡舉枉而措直反常乖理而不納良規倒行  
逆施而罔遵聖訓屠城則不遺噍類竭澤則靡棄小  
鮮赤人之族必覆其巢奪人之位終絕其祀下而烝  
上踈而間親不別爪李嫌疑常游花柳街巷廟中梁  
下耳爲焚湖之夫車上草間遂作奔淫之婦泣魚字

鳳之流分桃斷袖之輩污穢淨地瑕玷貞閨訕謗名  
流誣捏高德未見說見不知言知詐發盟誓罔知句  
句自酬刻意呪詛莫悟念念自害以利網利惡求多  
求非分相干出位慕外抱病不肯悔猶肆貪饕臨危  
弗之覺尙冀遐筭種種愛情色色染着見烟知火落  
葉如秋人所曾爲誰不行過紅塵滾滾那有出世之  
途黑海漫漫竟之度脫之楫蹶是大雄大覺盡見盡  
知興慈運悲濟苦與樂示教利喜指爲善之階梯開  
示悟入曠進道之捷徑設八萬四千法門破八萬四  
千煩惱委說詳陳耳提面命我等稍知嚮往良心痛

悔發露自鳴勢難藏覆如日中不能逃影鏡裡未可  
匿形所有業根應念鋤拔疏淪心志稽首皈依四生  
慈父

南無千功德蓋幢安穩自在王佛

南無十千迦葉佛

南無千遠離諸怖聲自在王佛

南無千無垢聲自在王佛 南無二千寶幢佛

南無八千堅精進佛 南無八千威德佛

南無八千燃燈佛

南無十千清淨面蓮華香積佛

南無二萬億威音王佛

南無十千莊嚴王佛

南無十千星宿佛

南無一萬八千娑羅王佛

南無一萬八千普護佛

南無三千毗盧舍那佛

南無三千放光佛

南無三萬日月太白佛

南無六萬波頭摩上王佛

南無六萬能令衆生離諸見佛

南無六十百千萬成就義見佛

南無無量百千萬名不可勝佛

南無具足四無礙智菩薩

南無常憂念一切人菩薩

南無於一切國土普現莊嚴藏菩薩

南無常持至誠菩薩

南無善財菩薩

蓋惟中朝恩命重罪輕罪已發未發逢赦悉原華嚴

經四句偈能破地獄金剛經爲閻羅殿前赦書金光

明經懺悔能壞諸苦盡不善業是知懺悔法門真渡

海浮囊破暗明炬其通韻達識自當渴奉服膺奚俟

曉勸應知從無始來用諸妄想顛倒行事自取流轉

不知此心活鱗鱗地離塵出指妄推在內在外在根

在中昧空結色遺本迷還別業妄見背覺合塵所覺

所明立同立異擾亂生勞渾濁成惱晝夜思想念念不停於中善念恒少惡念恒多事卽未行幽對冥構憶善受勝報思惡自沉淪何況明爲顯作安能條列縷指以吾人一圓融清淨寶覺六織妄成見不超色染於黑白妖妍聽不出聲惑於鄭衛歌樂麁不越香溺於脂粉麝檀嘗不絕味嗜於海陸血肉覺不離觸悅於細滑柔美知不踰法攬於世智小慧同業相纏合離成化色發想成異憎同愛交透吸引細想入胎一七日名凝滑二七名炮三七爲軟肉四七爲堅肉五七曰形位於是名色六根悉生一切衆生皆以淫

欲而正性命結愛纏想父母子孫血脉傳續種類不斷貪染不止口體所資因依飲食弗能茹蔬甘淡惟嗜肥脆腥羶迺相吞噉彼此酬還今年之力弱初未嘗將已身捨與人食被人以強不與而取以供庖厨於他身命財非理侵奪殺乃兼盜負命責債物之膠漆故生死不已愛心憐色情之魚水故纏縛無休根本輪迴業果相續緊基乎此於中微瑣過犯惟諸佛菩薩悉知悉見齊諸佛菩薩所知所見願以大悲水浣濯令淨容聽懺悔皈命十力慈父

南無二億拘隣佛 南無三億弗沙佛



南無六十億大莊嚴佛

南無八十億實體法決定佛

南無六十億娑羅自在王佛

南無十八億日月燈明佛 南無百億決定光明佛

南無四十億那由他妙聲王佛

南無二十百億雲自在王佛

南無百億釋迦牟尼佛

南無二十億怖畏聲王佛 南無億千樂莊嚴佛

南無六十頻婆羅遠離諸怖畏佛

南無億那由他百千覺華佛

南無須彌山微塵數一切功德山王勝名佛

南無十方佛國土不可說億那由他微塵數普賢佛

南無初發心念斷疑發解斷煩惱佛

南無東方善德佛 南無南方寶相佛

南無西方普光佛 南無北方相德佛

南無東南方網明佛 南無西南方上智佛

南無西北方華德佛 南無東北方明智佛

南無下方明德佛 南無上方香積佛

南無師子遊戲菩薩 南無師子奮迅菩薩

南無師子幡菩薩 南無師子作菩薩

復次懺悔人處無常苦空世間俱是旅泊幻化生不滿百年每作千歲之計執着情見堅固我相所以苦惱至重禍患極多朋友凋而不省親戚逝而不覺前代江山古時田產閱人已多不過蘆盧今暫得之勢爲長久之物每事患失百方致力保持豈知天地虛空在吾妙明心中如片雲點太清裏惟認一浮漚體窮盡瀛渤如來說爲可憐愍者茲當懺除諸苦難以枚舉且以簡冊所載耳食目繫顯著明白表暴一二仰憑聖鑑懺除閻浮提內中國外邦正朔閏位人主嗜殺不殺不樂殿省羣臣脇息重足得保一日如度

十年之苦懺除或以諫殺以才殺以詩文殺犯忌諱殺權重殺名重殺之苦懺除讒殺妬殺誣殺誤殺酷吏希旨羅織告密殺嗾引賢能牽逮忠正無干良善株連族殺之苦懺除骨肉相殘兵連禍結諸王樹黨逼遷乘輿殺人盈城血流漂鹵之苦懺除中原失鹿日尋干戈九州分裂一十六國戰爭之苦懺除強臣制主威權日去心腹黨與布滿宮庭起居呼召動加防簡遂至總百揆加九錫移祚禪位願後身不生王家求爲黔首而不可得之苦懺除誅鋤豪傑禁錮英乂放逐賢良降黜民望之苦懺除常侍軍容怙寵專

權幽君殺直肆雲天下一日禍發誅戮殆盡之苦懺  
除賣官鬻爵賄賂公行貪官墨吏枉法取財刻核少  
恩雲民吸髓刺史滅門縣令破家之苦懺除盜賊充  
斤截路刦搶抄掠鄉村驅擄人畜之苦懺除暴斂橫  
賦間架科錙落地打稅空身入市索錢之苦懺除征  
伐不息運輸滿道之苦懺除因田出卒計口抽丁父  
子乖離夫婦絕叫蠻烟瘴海虜塞胡沙一去不一回  
死作他鄉鬼之苦懺除宵征露宿之苦銜枚疾驅之  
苦失道落巖穽苦無水飲馬尿苦寒墮指苦渴喘斃  
苦甲冑生蟣虱苦兩軍對壘苦偷營刦寨苦塘報偵

探苦拚命鏖戰苦流矢飛砲苦臨陣殺戮苦敗北奔  
逃苦戎馬踐踏苦矢集於目金傷於體求生不得求  
死不得之苦懺除攻城苦圍困苦三斤黃金買不得  
三升米苦食草根樹皮盡食革履帚帶盡銼薦蓆盡  
茹毛羶盡易子而食柘骨而炊之苦懺除秤賣人肉  
苦眼見妻子被兵牽去殺食不能護止之苦羸弱疲  
憊猶持兵上城鬪戰苦盼望救兵至一日如過三秋  
苦滿城相食垂盡苦懺除聚人爲量暴人爲腊想人  
之肉納人於臼或名燒把火或名不美羹或謂兩脚  
羊或謂和骨爛之苦懺除殭屍積野臭穢熏天苦白

撰述

何棟房突真書

骨堆山收葬無人苦懺除大兵之後饑饉凶年之苦  
瘟疫傳染聞氣卽中比屋皆空之苦懺除珠玉黃金  
滿市而無斗粟之苦懺除十年九潦苦八年七旱苦  
過時不雨苦久雨不霽苦蟲蝗蔽天食禾稼苦水雹  
惡風落穀實苦懺除河決海嘯衝沒郡邑邨店之苦  
懺除回祿爲災延燒閭閻灰燼之苦懺除官商舟楫  
遭遇旋風雪浪沈溺之苦懺除惡心邪見斷善滅性  
折寺壞塔毀像殘經當墮地獄之苦懺悔鞭拷僧尼  
辱罵沙門朝弄緇流誣謗淨行當入惡道之苦懺悔  
見人饑寒不肯周給叫街行乞不肯施與慳惜加毀

當墮餓鬼之苦懺悔破和合僧訾議戒律攪散齋會  
阻廢善事毀壞功德林成就阿鼻獄之苦懺除運限  
命宮彗星凶曜五行尅伐衰病死墓年殺月災時日  
刑冲官符疾厄太歲陰府災退空亡闢于大耗四時  
邪氣四大增損之苦懺除沉痾痼症久臥床蓆療治  
不瘥之苦懺除異病恠瘡皮骨連立膿血淋漓腥惡  
難近之苦懺除羈人旅館客子天涯橐金旣盡貂裘  
復敝干謁無門乏資身之策雲霄失路絕援引之人  
落魄他鄉難歸故里之苦懺除游學之士行脚之僧  
冷寺荒村隻身吊影嬰纏疾恙痛楚呻吟更無湯藥

醫療那有親朋看顧之苦  
懺除痘疹苦短命苦貧窮  
苦下賤苦盲聾苦瘡痍苦形體不全苦手足攣跛苦  
耿苦矧苦寒苦熱苦饑苦渴苦衣服飲食麤糲不充  
之苦懺除犯法苦遭刑苦流徒苦獄囚苦懺除懷孕  
苦墮胎苦產難苦倒生苦分娩不出苦胞衣不下苦  
懺除深宮望幸怨閻思夫嫁娶愆期鰥寡孤獨之苦  
懺除被人宮割苦自去勢苦自縊苦自刎苦自服毒  
苦投淵赴井苦懺除怨家下毒苦警人行刺苦懺除  
虎豹搏噬苦蛇蝎噬螫苦懺除土石山崖坑塹堆阜  
高下不平荆棘毒藥穢惡充滿之苦舉人間依正一

切戕害苦楚自今日始承三寶力槩與蠲除永不逢  
受敬禮大慈悲父

南無東方蓮華最尊佛

南無南方功德寶佛

南無西方大光普徧佛

南無北方無量功德莊嚴佛

南無東南方能壞一切暗佛

南無西南方心平等佛

南無西北方大神通王佛

南無東北方心同虛空佛

南無下方寶優鉢華佛

南無上方大名稱佛

南無金輪熾盛光王佛

南無孔雀明王佛

南無四十億那由他同名妙聲佛

南無千同名功德蓋幢安穩自在王佛

南無六千億同名堅修柔軟佛

南無七千同名法莊嚴王佛

南無藥王菩薩

南無藥上菩薩

經云從無始來至於今日不識諸佛及父母恩不解善法造作衆惡自恃種姓及諸財寶盛年放逸作諸惡行心念不善口作惡業隨心所作不見其過凡夫愚行無知闇覆親近惡友煩惱亂心五欲因緣心生

忿恚不知厭足故作衆惡親近非聖因生慳嫉貪窮因緣姦諂作惡繫屬於他常有怖畏不得自在而造諸惡貪欲癡擾動其心渴愛所逼造作衆惡依因衣食及以女色諸結惱熱造作衆惡身口意惡所集三業或不恭敬佛法聖衆以無智故誹謗正法不知恭敬父母尊長愚惑所覆驕慢放逸干劫所作極重惡業志心懺悔悉皆滅盡諸佛世尊有大慈悲當證微誠哀受我悔若我百劫所作衆惡以是因緣生大憂苦貧窮困乏愁熱驚懼怖畏惡業心常怯劣在在處處暫無歡樂我之所有煩惱等垢惟願現在諸佛

世尊以大悲水洗除令淨過去諸惡今皆懺悔現所作罪誠心發露所未作者更不敢作已作之罪不敢覆藏身業三種口四意三惡業受報六趣險難誠心懺悔遠離十惡修行十善安止十住逮十力尊我及衆生諸根毀壞悉令具足病苦羸瘦悉令解脫若受鞭撻繫縛枷鎖愁憂恐懼擾亂其心臨當刑戮無量怖畏諸苦惱等悉得解脫饑得美食渴得甘飲盲者得視聾者得聽瘖者得言裸者得衣貧窮之者卽得寶藏倉庫盈溢無所乏少衆生相視和顏悅色他人善事隨喜讚成願諸女人皆成男子智慧精進行菩

薩道不適意報願悉滅盡割裂愛網破三有獄至大涅槃身心安樂懺悔發願已歸命禮三寶

南無東方破疑淨光佛

南無南方無憂功德佛

南無西方華嚴神通佛

南無北方月殿清淨佛

南無東南方破一切闇佛

南無西南方大哀觀衆生佛

南無西北方香氣放光明佛

南無東北方無量功德海佛

南無下方斷一切疑佛

南無上方離一切憂佛

南無龍種上尊王佛

南無龍自在王佛

南無寶勝佛 南無覺華定自在王佛

南無架娑幢佛 南無師子吼佛

南無琉璃金山寶華光照吉祥功德海佛

南無善眼劫七十二那由他佛

南無善見劫七十二億佛

南無淨讚歎劫一萬八千佛

南無善行劫三萬二千佛

南無莊嚴劫八萬四千佛 南無金剛幢菩薩

南無蓮池海會阿鞞跋致一生補處上善菩薩

南無信相菩薩 南無無比菩薩

南無常不離世菩薩 南無無邊身菩薩

次復懺悔人間八苦所謂眾苦依止名曰生苦無明

潤業不淨受胎增長出胎良賤男女端正醜陋又能

令變壞名曰老苦念念消息終至滅壞力不能挽徒

有嗟嘆又四大不調名曰病苦身則四百四病逼惱

不安心則愁戚攀緣飛越不止又能滅諸根名曰死

苦雖時節代謝或惡對招尋或業報卒至有福無命

祿盡難存九種枉橫無量外緣又非愛共聚名曰怨

憎會苦讐人怨家為親為友相謀相害生隙生嫌苦

心領於苦境好意不成好緣又可愛相違名曰愛別



離苦慈親孝子嬌妻嫩兒難兄難弟可意悅心無常  
奄至一旦乖背摧碎肝腸痛徹骨髓脚悲殮殯再會  
無期又希望不遂名曰求不得苦貧則求富窮則求  
通愛欲久持惡欲速往美名歸已好爵自縻尤物頻  
獲奇珍獨有田連阡陌谷量牛馬致力營筭乖心違  
慮不得稱遂怨天尤人又總衆苦相名曰五陰熾盛  
苦能益覆心種種趣境積聚蘊結不能照了交煎煩  
熱斲性喪真然諸苦所因媮欲爲本四十二章經云  
賴有一矣實爲輪廻敗道之本要知己身他身五種  
不淨一者生處不淨是身爲臭穢不從蓮花生二種

子不淨是身種不淨父母邪想有三自性不淨四大  
不淨聚海水洗不潔四自相不淨常流出不淨如囊  
盛穢物五究竟不淨諦觀於此身終必歸死處雖復  
靚粧艷美蒨笑巧媚直是滿腔膿血降脹穢惡白骨  
狼籍智者無爲溺愛陸沉若能輕澹一分便是生天  
之捷徑禪智功德緣之而增有生實苦大患所叢既  
知此已相與懺除敬禮大慈悲父

南無東方無量離垢佛

南無南方樹根華王佛

南無西方蓮花自在佛

南無北方金剛能破佛

南無東南方悉檀義勝佛

撰述

石杉居士撰

南無西南方金海自在王佛

南無西北方無邊自在王佛

南無東北方無礙香象王佛

南無下方無礙慧幢佛  
南無上方甘露上王佛

南無寶世界善住力王佛

南無十方上首世界起月光佛

南無龍王世界上首佛

南無善住世界善高聚佛

南無無怖畏世界作稱佛

南無受香世界斷諸難佛

南無純陀菩薩  
南無高貴德王菩薩

南無救脫菩薩  
南無網明菩薩

經云身中堅濕煖動分爲視聽覺察從始入終五疊  
渾濁如土投水容貌沮然空見相織名爲劫濁身根  
相搏名爲見濁根境相緣名煩惱濁惑業相趣名衆  
生濁性用相岐名爲命濁分爲根識粘湛發性六爲  
賊媒自劫家寶積生虛習生住異滅分剎頭數流逸  
奔馳明暗動靜通塞恬變離合生滅如是十二諸有  
爲相畢竟同中生畢竟異六結已成是非鋒起心性  
狂亂知見妄發發妄不息勞見發塵目睛若勞狂花

亂起山河大地生死顛倒皆卽狂勞不知解結當於  
結心何能一亡除其塵相未解卽事捨於塵勞惟有  
隨流任其飄沒破犯三決定義違遠大毀槃城夫攝  
心名戒媯機一動則心不可收塵不可出落愛見坑  
失菩提路蒸沙作飯因果非倫又慈心名戒殺機一  
起則傷害必多惡不可止過三寸之舌頭填一時之  
溪壑斷佛性種子長三塗業根怨家債主伺隙追隨  
苦海茫茫理難度脫避溺投火事不應爲又止足名  
戒盜機一潛則偷心勃發奸名犯義期已惑人漸滅  
真誠喪失淳善方便盜呪盜人物及鬼神有主刼賊

物一針一草欲求滅罪如水灌漏卮又實語名戒我  
等凡夫無聖言量往往說謊時時造妄欲尊勝於已  
則無善不歸欲抑劣於人則靡惡不往人糞刻爲栴  
檀噬臍終莫能及刀斷多羅之木永殞善根口惟衆  
罪之尤受苦偏甚又經毀犯比丘四波羅夷法十三  
僧伽婆尸沙法二不定法三十尼薩耆波逸提法九  
十波逸提法四波羅提提舍尼法一百衆學法七滅  
諍法及比丘尼八波羅夷法十七僧殘二不定法二  
百八尼薩耆波逸提法八提舍尼法一百衆學法七  
止諍法又毀犯菩薩波羅提木叉十重波羅夷戒四

撰述

依杖巖空竟事傾

十八輕垢戒乃至三千威儀八萬細行及破沙彌十  
戒優婆塞優婆夷五戒無覺無明故犯誤犯相與懺  
悔既往之愆重淨重得立志不續未來之釁永斷永  
除飯投無上大慈兩足世尊願賜證盟功德

南無清淨光世界積清淨增長勝上王佛

南無普光世界普花無畏王佛

南無普蓋世界均寶莊嚴佛

南無相威德王世界無量聲佛

南無名稱世界須彌留聚集佛

南無善住世界虛空寂佛

南無地輪世界名稱力王佛

南無波頭摩花世界種種花勝佛

南無種種幢世界須彌留聚佛

南無一切善蓋世界遠離諸怖毛豎佛

南無賢世界栴檀屋佛  
南無賢慧世界合聚佛

南無寶首世界羅網光明佛

南無安樂首世界寶蓮華勝佛

南無稱世界智花寶光明勝佛

南無賢臂世界起賢光明佛

南無無畏世界滅散一切怖畏佛

支那

辰野安之元集卷上

三

撰述

存根屋券書

南無彌留幢世界彌留序佛

南無遠離一切憂惱障礙世界無畏王佛

南無法世界作法佛

南無善住世界百一十光明佛

南無共光明世界千上光明佛

南無多伽羅世界智光明佛

南無香世界寶勝光明佛

南無八千無我甘露功德威德王劫佛

南無妙光菩薩

南無金剛慧菩薩

南無常精進菩薩

南無閻浮提自在王菩薩

經云妙性圓明離諸名相本來無有世界衆生因妄有生因生有滅從畢竟無成究竟有此有所有非因所因住所住相了無根本本此無住建立世界及諸衆生迷本圓明是生虛妄熏以成業同業相感故有衆生顛倒是所有分段妄生無住所住遷流不住故有世界顛倒三世四方和合相滲變化衆生成十二類心動有聲心生有色六亂妄想窮十二變爲一旋復卵生胎生濕生化生有色無色有想無想若非有色若非無色若非有想若非無想繇八萬四千類

撰述

佛地獄界章

惱感變區分相與懺悔遷流之世分段之界乘此世界業果相生虛妄輪迴動顛倒故和合氣成八萬四千飛沉亂想如是故有卵羯邏藍依殼而起流轉國土魚鳥龜蛇其類充塞罪報懺悔世界雜染輪迴欲顛倒故和合滋成八萬四千橫豎亂想故有胎羯蒲曇含藏而出人畜龍仙等類罪報懺悔執着輪迴起顛倒故和合煖成八萬四千翻覆亂想故有濕相蔽尸假潤而興含蠢蠕動蝨蟻蚊蚋等類罪報懺悔變易輪迴假顛倒故和合觸成八萬四千新故亂想故有化相羯南無而忽有轉蛻飛行雀蛤雉蜃等類罪

報衆等共知此報隨念而受悚懼惶恐皈投五眼六通三明八解大慈悲父

南無成就一切功德善住世界稱親佛

南無憂慧世界遠離諸憂佛

南無成就一切勢力善住世界稱堅固佛

南無稱世界起波頭摩功德王佛

南無花俱蘇摩住世界善散花幢佛

南無十方名稱世界放光明普至佛

南無炎慧世界放炎佛

南無吼世界十方稱名佛

撰述

佛光大藏經

南無光明世界自在彌留佛

南無寶光明世界大光明佛

南無常歡喜世界炎熾佛

南無有世界三界自在奮迅佛

南無無畏世界放光明輪佛

南無常懸世界衆寂勝佛

南無波頭摩主世界無盡勝佛

南無普吼世界妙鼓聲佛

南無地世界山王佛

南無燃燈輪世界善住佛

南無倚世界作一切功德佛

南無波頭摩世界波頭摩生王佛

南無星宿行世界智上勝佛

南無法境世界自在王佛

南無地功德世界波頭摩輪境界勝王佛

南無普莊嚴世界大莊嚴佛境界佛

南無歡喜世界畢竟成就佛寶功德佛

南無益行莊嚴世界智起光明威德勝王佛

南無寶光樂世界香炎平等莊嚴日光菩薩

南無衆寶金剛藏世界觀勝妙清淨王菩薩

支那

支那

三

復次懺悔由因世界留礙輪迴若事日事月事星事  
火堅執不捨障顛倒故和合著成八萬四千精耀亂  
想故有色相羯南林咎精明吉凶悔吝暈玦負耳流  
星憐火螢燭蚌珠等類罪報懺悔銷散輪迴厭有著  
空滅身歸無晦昧無聞惑顛倒故和合暗成八萬四  
千陰隱亂想故有無色羯南空散銷沉無色外道形  
色捐磨識合混沌等類罪報懺悔罔象輪迴似有若  
無杳冥恍惚影顛倒故和合憶成八萬四千潛結亂  
想故有想相羯南神鬼精靈依草附木祠禱血食影  
響幽潛等類罪報懺悔愚鈍輪迴顛蒙昏駮死灰固

執癡顛倒故和合頑成八萬四千枯槁亂想故有無  
想羯南精神化爲土木金石如鵲墮爲印羣羊成石  
老僧爲栢樹賢女變貞石佛性化爲法性有情變作  
無情等類罪報懺悔相待輪迴假勢借光潤身活命  
僞顛倒故和合染成八萬四千因依亂想故有非有  
色相成色羯南諸水母等以鰕爲目瓊蛤以蟹爲腹  
戶蟲蟾虹魚腹羊腦之蟲等類罪報懺悔相引輪迴  
邪業符攝性顛倒故和合呪成八萬四千呼召亂想  
故有非無色相無色羯南呪詛厭生持明禁術妖巫  
折割樟柳羅神精魅游魄及蝦蟆鶴鷺龍鷓莎鷄聲



喉相附等類罪報懺悔合妄輪迴他胤冒贅罔顛倒  
 故和合異成八萬四千回互亂想故有非有想相成  
 想羯南二妄吸撮彼蒲盧等異質相成蠚螫之蟲孕  
 螟蛉之子等類罪報懺悔怨害輪迴絕倫滅性殺顛  
 倒故和合恠成八萬四千食父母想故有非無想相  
 無想羯南如土梟等附塊爲兒及破鏡鳥以毒樹果  
 抱爲其子子成父母皆遭其食等類罪報如是衆生  
 一一類中亦各各具十二顛倒猶如捏日亂花生  
 顛倒妙圓真淨明心具足如斯虛妄亂想相與販投  
 福足慧足十號具足大悲世尊懺悔

南無東方瓊諸煩惱佛

南無南方妙音自在佛

南無西方大雲光佛

南無北方雲自在王佛

南無東南方無緣莊嚴佛

南無西南方過諸魔界佛

南無西北方見無恐懼佛

南無東北方一切德嚴佛

南無上方蓮花藏光佛

南無下方妙善住王佛

南無八十億那由他同名釋迦牟尼佛

南無八萬四千同名龍王佛

南無八十千同名燃燈王佛

南無五千同名波頭摩王佛

南無九萬同名拘神王佛 南無心不動佛

南無心自在佛

南無華林世界寶首菩薩

南無寂靜世界持月光明菩薩

南無栴檀世界真實幢菩薩

南無堅固金世界夜光幢菩薩

願諸世尊爲我證明與我作眼我等未識三寶時隨  
順三毒叠造十惡所有業障煩惱障諸衆生障法障  
轉後來世障懺悔已復懺悔更不敢作我今於此志

心懺悔願智清淨諸法業障當淨一切助菩提法願  
皆滿足永不墮地獄畜生餓鬼阿修羅若閻羅王世  
界違背遠離佛法僧處及逼迫苦惱之處又願我等  
於身命財一切放捨不生戀着財屬五家無主不久  
如大毒蛇爲世怨害施爲不死妙藥爲無窮寶藏諸  
天世人因施得立我身無常忽忽營務被死賊害風  
刀解身一切捐棄佛說諸法從因緣有三世無體無  
有業障無業障處現作諸行亦無業障一切諸法空  
無有我本性空寂是則實際無漏際能淨一切法障  
而得寂靜各各解悟皈命三寶

撰述

存杉屋分書

創建牟尼菴香火

大檀越大方伯二品服色麗陽奉佛弟子木增損資  
刊用助此功德所願壽躋籙鏗雲仍爪甍者

依楞嚴究竟事懺卷上

禮佛十進計二百六十拜

依楞嚴究竟事懺卷下

復次衆生愚昧童習世典耽着世事飲食男女埋沒  
一生耳目之表六合之外茫然不信塵如雪飛蟻若  
牛鬪所不聞見謂蒼蒼者清氣爲天或如鷄卵或如  
倚蓋都無主宰日月亦氣入地復昇殂落爲死清氣  
歸天濁氣歸地魂魄消散神明斷滅鬼者歸也至作  
無鬼之論不信人死神識更生蛻故趨新有三世三  
報善惡因果鎔銖不失雖聖教久被於此方熏陶漸  
漬上根正信固多然毀謗詆訾亦復不少自餘悠悠  
泛泛縱窺一班強半爲世法所奪如隔日瘡如石壓

草乍信乍疑了無確見高推聖境不信自心是佛不肯抖擻塵勞則流浪六道七趣理勢之所不免六道者一天道有三界一欲界同受微妙五欲形雖出動心迹尚交二色界尚有形質而無欲念獨行無交未盡形累二無色界形色已無依識而任身心滅盡定性現前欲界六天曰四天王天忉利天夜摩天兜率天化樂天他化自在天此天身長六十由旬當二千四百里以人間一千六百歲爲一日如是壽一萬六千歲若人能持五戒行十善卽生彼界受天福樂色界四禪天初禪二天曰梵衆天梵輔天大梵天二禪

三天曰少光天無量光天光音天三禪三天曰少淨天無量淨天徧淨天四禪九天曰福生天福愛天廣果天此處水火風災所不能及凡夫於戒善中兼修有漏禪定得生彼界受天福樂曰無想天外道伏惑修禪第七識中俱生我執念念現流生滅爲因不能發明不生滅性故生此天曰無煩天無熱天善見天善現天色究竟天壽五千劫此五復名不還天三果聖人於下界中九品習氣修惑滅盡安立居處無色界四天曰空處天識處天無所有天非想非非想天無業果色有定果色爲窮空不盡空理定性聲聞所

居壽八萬四千劫從此三界若是凡夫業果酬答  
盡入輪二者人道處於天地之間洲渾之上亦欲界  
攝有四千種類種種身形狀貌壽量名號心性知見  
欲樂意行威儀衣服飲食處於種種村營聚落城邑  
宮殿皆貪受麤弊五欲六塵有利根大器生於其中  
遇佛正法能修聖道然得人身者如指甲上土失人  
身者如大地土於中岐出不依正覺別修妄念遊於  
山林十種仙趣三者阿修羅道亦有四生或居鄰日  
月或歸水宿穴力洞無畏乘通入空能與忉利天爭  
衡男醜女美四趣所攝壽同造化四者畜生道卽今

毛羣羽族鱗介蠕動水陸空散之類五者餓鬼道或  
住人間幽穢之處曠野沙漠或沉水輪或生火際以  
夜爲晝質細無影常被焚溺恒受饑渴壽經劫數見  
舍衛國城七返成壞六者地獄道經云三千大千世  
界鐵圍兩山黑闇之間鍊城縱廣一千六百萬里有  
八萬四千高以鐵爲地上覆鍊網火燒此城表裏洞  
赤其獄名曰衆合黑暗刀輪劍林鐵機刺林鐵網鐵  
窟鐵丸尖石炭坑燒林虎狼叫喚鑊湯爐炭刀山劍  
樹火磨火城銅柱鐵床火車火輪飲銅吐火大熱大  
寒接舌釘身犁耕斬斫刀兵屠裂灰河沸屎寒水淤

撰述

依傍屋突竟事體

泥愚癡啼哭聾盲瘖瘡鐵鈎鐵甬大小泥犁阿鼻地獄阿鼻柰何義謂無遮無救無間無動極熱極惱不住不開大燄猛熱猛火入心各有獄主獄卒牛頭阿傍異常苦具苦中苦者集在其中人間歲月積六十六劫爲阿鼻獄一晝夜諸罪人如是壽經八萬四千大劫一人身受罪徧一大獄多人亦徧以業力故不相妨礙閻羅大王總十八獄王一名迦延二屈尊三沸壽四沸屈五迦世六嗔傿七湯謂八鐵迦然九惡生十呻吟十一毘迦十二遙頭十三提薄十四夷大十五悅頭十六穿骨十七名身十八觀身又經云東

方鐵圍山間其山嶮幽冥高峻了無草木名曰地獄烏門千仞黑壁萬尋俠道兩邊有三十六王其王名曰恒伽噤王波吉頭王廣目都王安頭羅王虎目見王陽聲吉王大爭訟王吸血鬼王安得羅王陀達王達多羅王吉梨善王安睽羅王寶首王金樹吉王大惡聲王烏頭王等虎眼王等象牙王等震聲王等歸首王衣首王見首王廣安王廣定王王頭王立正王立見王摩尼羅王都曹王部見王惡目王善玉龍口王鬼王南安王所典獄名鐵車鐵馬鐵牛鐵驢鐵衣鐵珠烱銅灌口流火鐵床耕舌斫首燒脚鐵丸飲

鐵珠飛刀火箭脍肉身燃火丸仰口諍論雨火流火  
糞屎鈎陰火象洋聲咬叫鐵鍬鏹崩埋燃手脚銅狗  
鋸牙剝皮飲血解身鐵屋鐵山飛火咬叫分頭地獄  
此中悉是作惡比丘比丘尼沙彌沙彌尼受罪且以  
人間之火釜中煮石經年不壞若投石地獄湯中須  
臾粉碎一事較量餘卽可知六道明明若此我等從  
朝至暮從昏至旦念念所起所造徧六道業報不知  
多少何況一月一年終身所爲於六道中何力能免  
惟有懺悔乃得解脫相與悲淚怖懼翹勤至到洗心  
請忍願乞除滅皈依四德三伊圓滿圓寂十方諸佛

南無清淨法身毘盧遮那佛

南無圓滿報身盧舍那佛

南無千百億化身釋迦牟尼佛

南無一切十億國土微塵數同名金剛藏佛

南無十億國土微塵數同名金剛雞兜佛

南無十百千國土微塵數同名金剛幢佛

南無十百千國土微塵數同名善法佛

南無十百千國土微塵數同名稱心佛

南無一佛國土微塵數同名普功德佛

南無不可說佛國土微塵數同名不可勝佛

南無不可說佛國土微塵數同名毘婆尸佛

南無十佛國土微塵數同名普幢佛

南無八十億佛國土微塵數不可數百千萬億那由

他同名普賢佛

南無一佛國土微塵數同名佛勝佛

南無十佛國土微塵數百千萬億那由他不可說同

名普稱自在佛

南無恒河沙同名賢行佛

南無恒河沙同名無邊命佛

南無恒河沙同名不動佛

南無恒河沙同名月智佛

南無恒河沙同名日藏佛

南無恒河沙同名善光佛

南無恒河沙同名金剛佛

南無五百同名大慈悲佛

南無善眼劫七十那由他佛

南無善見劫七十二億佛

南無梵讚歎劫中一萬八千佛

南無意入世界無量花照垂髮菩薩

南無現前受記一生補處兜率內宮彌勒菩薩



南無地藏菩薩 南無寶達菩薩  
經云一切衆生實本真淨妄見妄習內因愛染情妄  
不休能生愛水心憶珍羞口中水出心憶憐恨目中  
淚盈貪求財寶舉體光潤心着行婬男女二根自然  
流液流結潤濕自然從墜分外渴仰發明虛想能生  
勝氣是故心持禁戒舉身輕清心持咒印顧盼雄毅  
心欲生天夢想飛舉心存佛國聖境冥現飛動不沉  
自然超越死逆生順二習相交純想卽飛必生天上  
兼福兼慧心開見佛隨願往生一情九想輕舉非遠  
卽爲飛仙二情八想爲大力鬼三情七想爲夜叉四

情六想爲羅刹情想均等不飛不墜生於人間想明  
斯聰情幽斯鈍情多想少流入橫生重爲毛羣輕爲  
羽族七情二想沉爲餓鬼八情二想生有閻獄九情  
一想生無間獄身入風火二交過地純情卽沉入阿  
鼻獄若沉心中有謗大乘毀佛禁戒誑妄說法虛貪  
信施濫膺恭敬五逆十重劫盡更生十方阿鼻地獄  
循造惡業雖則自招衆同分中兼有元地造十習因  
受六交報今當懺悔姪習交接研磨不休欲火火坑  
大猛火光於中發動如手自摩觸暖相現前二習相  
然故有鐵床銅柱諸事燒燬罪報懺悔貪習交計吸

攬不止貪水瘴海積寒堅水於中凍冽如吸縮風氣  
有冷觸生二習相陵故有吒吒波波羅羅青赤白蓮  
寒水等事冷禁哀號罪報懺悔慢習交陵恃我真高  
矜驕不息癡水巨溺騰逸奔波如口舌綿味因而水  
發二習相鼓故有血河及河熱沙海融銅灌吞諸  
事罪報懺悔瞋習交衝忤結不息熱惱居懷性不安  
隱心熱發火鑄氣爲金卽有刀山鐵樹劍樹劍輪斧  
鉞鎗鋸如人銜冤殺氣飛動二習相擊故有宮割斬  
斫剉刺槌擊諸事罪報懺悔詐習交誘奸僞讒賊矯  
設具儀諂曲爲性調引不住故有繩木絞校如水浸

田草木生長二習相延故有杻械枷鎖鞭杖撾棒諸  
事罪報懺悔誑習交欺矯現有德蛇虺劫殺誣罔不  
止飛心造奸故有塵土屎尿穢污不淨如塵隨風各  
無所見二習相加故有沒溺騰擲飛墜漂淪諸事罪  
報懺悔寃習交嫌酖毒銜恨懷結不捨故有飛石投  
礮匣貯車檻囊盛囊撲如陰毒人懷抱畜惡二習相  
吞故有投擲擒捉擊射拋撮騰砲牢柵諸事罪報懺  
悔見習交明異執謬解因於身邊無取戒禁五見生  
六十二見毒壑坑窞邪悟諸業違拒相反故有王使  
主吏證執文籍如行路人一往一來事業不同取捨

違反故有勘問權詐考訊推鞠察訪披究照明善惡童子手執文簿辭辨諸事罪報懺悔枉習交加橫陷善類抑直爲曲誣謗所無讒虎射工偏倚不正故有合山合石碾磴耕磨如讒賊人逼枉良善二習相排故有押捺搥按蹙澁衡度律身透網支解倒懸諸事罪報懺悔訟習交誼藏覆已過隱匿私謀戴山履海不肯服承故有鑑見照燭如於日中不能藏影二習相陳故有惡友業鏡火珠披露宿業對驗訐發諸事罪報如是十習業因我等無不重疊備造當受惡果捫心撫已毛髮聳豎一一披瀝懺悔并爲多生此生

父母累劫今世寃親真諦俗諦現前眷屬有緣聚會執勞運力見聞隨喜及四生六道一切眾生同修懺悔各發始覺之心俱見本覺之性共尊正覺之路同入妙覺之海歸命禮三寶

南無十千同名滿足佛

南無三萬同名能聖佛

南無十八億同名實體法式佛

南無十八億同名日月燈佛

南無千五百同名大威德佛

南無一萬五千同名日佛

南無一萬八千同名因陀羅幢王佛

南無三十六億十一萬九千五百同名淨王佛

南無不可嫌身佛

南無八十億同名法體決定佛

南無人自在聲佛 南無千世自在聲佛

南無千善無垢聲自在王佛

南無千離無畏聲自在王佛

南無千無垢威德自在王佛

南無五百日聲自在王佛

南無五百樂自在聲佛 南無九千法莊嚴佛

南無無垢世界無垢光塵沙諸佛

南無無垢廣世界勝護塵沙諸佛

南無安樂世界賢日光明菩薩

南無安樂世界師子吼身菩薩

南無寶塔須彌幢世界無上首妙德王菩薩

南無香勝離垢光明世界普智光明慧燈菩薩

復次懺悔六交報經云一切衆生六識造業所招惡

報從六根出良以性中元一用中終六一根造業五

根助發故當根得報餘根交受種種苦事悉緣心感

近如一肢有疾百骸弗安今耳聞一物眼必欲見心

必欲得舌必言之身必取之鼻必嗅之是則根互趣

境報亦交徧理事當然勿措疑惑懺悔眼根見報招引惡果此見業交則臨終時先見猛火滿十方界亡者神識飛墜乘煙入無間獄發明二相一者明見則能徧見種種惡物生無量畏二者暗見寂然不見生無量恐如是見火燒見能爲火城火網燒能聽能爲鑊湯炸銅燒息能爲黑煙紫酸燒味能爲焦丸鐵糜燒觸能爲熱灰鑪炭燒心能生星火逆洒煽鼓空界罪報懺悔耳根聞報招引惡果此聞業交則臨終時先見波濤沒溺天地亡者神識降注乘流入無間獄發明二相一者開聽聽種種鬧精神怒亂二者閉聽寂

無所聞幽魄沉沒如是聞波注聞則能爲責爲詰注見則能爲雷爲吼爲惡毒氣注息則能爲雨爲霧酒諸毒蟲周滿身體注味則能爲膿爲血種種雜穢注觸則能爲畜爲鬼爲糞爲尿注意則能爲電爲雹摧碎心魄罪報懺悔鼻根嗅報招引惡果此嗅業交則臨終時先見毒氣充塞遠近迷惑道路亡者神識從地涌出入無間獄發明二相一者通聞被諸惡氣熏極心擾二者塞聞氣掩不通悶絕於地如是嗅氣衝息則能爲質爲履衝見則能爲火爲炬衝聽則能爲沒爲溺爲洋爲沸衝味則能爲餒爲爽衝觸則能爲

綻爲爛爲大肉山有百千眼無量啞食衝思則能爲  
灰爲瘡爲飛沙礫擊碎身體罪報懺悔舌根味報招  
引惡果此味業交則臨終時先見鐵網猛燄熾烈周  
覆世界亡者神識下透挂網倒懸其頭入無間獄發  
明二相一者吸氣結成寒水凍裂身肉二者吐氣飛  
爲猛火焦爛骨髓如是嘗味歷嘗則能爲承爲忍歷  
見則能爲然金石歷聽則能爲利兵刃歷息則能爲  
大鐵籠彌覆國土歷觸則能爲弓爲箭爲弩爲射歷  
思則能爲熱鐵從從空雨下罪報懺悔身根觸報招  
引惡果此觸業交則臨終時先見大山四面來合無

復出路亡者神識見大鐵城火蛇火狗虎狼獅子牛  
頭獄卒馬頭羅刹手執鎗稍驅入城門向無間獄發  
明二相一者合觸合山逼體骨肉血潰二者離觸刀  
劍觸身心肝屠裂如是合觸歷觸則能爲道爲觀爲  
廳爲案歷見則能爲燒爲熱歷聽則能爲撞爲擊爲  
刺爲射歷息則能爲括爲袋爲考爲縛歷嘗則能爲  
耕爲鉗爲斬爲截歷思則能爲墜爲飛爲煎爲炙罪  
報懺悔意根思報招引惡果此思業交則臨終時先  
見惡風吹壞國土亡者神識被吹上空旋落乘風墮  
無間獄發明二相一者不覺迷極則荒奔走不息二

撰述

何林居士撰

者不迷知覺則苦無量煎燒痛深難忍如是邪思結思則能爲方爲所結見則能爲鑑爲證結聽則能爲大合石爲水爲霜爲土爲霧結息則能爲大火車火船火檻結嘗則能爲大叫喚爲悔爲泣結觸則能爲大爲小爲一日中萬生萬死爲偃爲仰罪報懺悔十因六果具足惡業同造入阿鼻獄受無量苦經無量劫罪報懺悔六根各造及彼所作兼境兼根入八無間獄罪報懺悔身口意三作殺盜姪入十八地獄罪報懺悔三業不兼中間或爲一殺一盜入三十六地獄罪報懺悔見見一根單犯一業入一百八地獄別

作別造入同分地罪報我等如是因果造業日用同有當造時不覺自謂無妨惡友讚助無善友勸導設有諫諭亦不肯從及至報臨獨自忍受非世之小苦剛剔一身所得比况當知形骸死而神識不死其知覺與今相同且夢中遇好境則喜逢惡境則懼至於驚醒移徙可喻不宜只快目前小適遺後大殃思之痛心酸鼻魂懾魄散相與投身叩首瀝血披誠以殷重心依懺悔十法皈命三身四智十方慈父

南無二十寶幢 佛

南無二十億千驚怖吼聲王佛

南無百千光明滿足幢佛

南無二十億百日月燃燈佛

南無二十億百雲聲王佛

南無十千同名莊嚴王佛

南無一億百千萬同名菩提覺華佛

南無八頻婆羅同名離愛佛

南無千三百同名梵聲佛

南無十千同名清淨優波羅香山佛

南無一千同名閻浮檀佛

南無六十二百同名寂行佛

南無十二八千萬同名見一切義佛

南無八千同名堅精進佛

南無六十二同名毘留那佛

南無六十千同名妙波頭摩佛

南無四十千同名願莊嚴佛

南無千同名燃火單茶自在王聲佛

南無五百同名智幢佛  
南無五百同名法幢佛

南無六十二同名月乘佛

南無三千同名智勝佛

南無東方九十億百千萬同名梵勝菩薩



概述

不修屋宇等事

南無南方九十億百千萬同名不隣陀羅菩薩

南無西方九十億百千萬同名大功德菩薩

南無北方九十億百千萬同名大藥王菩薩

次復懺悔非破律儀犯菩薩戒毀佛涅槃諸餘雜業

歷劫燒然後還罪畢受諸鬼形此後各報依經文此文及地說若於本因貪物為罪

是人罪畢遇物成形名為怪鬼金銀草木妖孽等類

罪報懺悔貪色為罪遇風成形名為魃鬼飄風揚砂

黑風鼓浪腥風迷人陰風壓人旋風飲酒妖風攝物

魃異等類罪報懺悔貪惑為罪遇畜成形名為魃鬼

鰻魚挾賜蛇魅嚇由猪為彭生能為魃猫犬相語牛

馬能言狐為美女狸為書生魃媚惑人等類罪報懺

悔貪恨為罪遇蟲成形名蠱毒鬼蛇虺蝦蟆蜈蚣之

形密養附人出如流星垂涎酒毒魃等罪報懺悔貪

憶為罪遇衰成形名為厲鬼傳屍骨蒸瘴厲傷寒時

疫大頭汗病若夜叉吉蔗若人吉蔗若熱病若一日

二日乃至七日若常熱病若男形若女形童男童女

形及杜伯揚收灌竇報復等類罪報懺悔貪傲為罪

遇氣成形名為餓鬼針咽巨腹不見漿水不得涕唾

等類罪報懺悔貪罔為罪遇幽為形名為魘鬼惡氣

中人異物魘人等類罪報懺悔貪明為罪遇精為形

支那

支那卷下

十五

名魍魎鬼日月精魄及附樹作崇憑石出言水之罔  
象丘之崒山之夔野之方皇澤之委蛇等類罪報懺  
悔貪成爲罪遇明爲形名役使鬼獄賣城隍所屬功  
曹執符差遣勾攝等類罪報懺悔貪黨爲罪遇人爲  
形名傳送鬼附乩降筆巫師香童嚮卜童謠等類罪  
報懺悔純情墜落業火燒乾上出爲鬼鬼業旣盡二  
報俱空方於世間與元負人冤對相值身爲畜生酬  
其宿債物恠之鬼物銷報盡生於世間多爲梟類土  
梟梟梟恠異罪報懺悔風颳之鬼生爲咎徵一切異  
類穢祥羣鳥爲城衆鼠渡河商羊兆水赤犬兆兵畜

魅之鬼生爲狐類蟲蠱之鬼生爲毒類蜂蠆蝮蝎之  
屬衰癘之鬼生爲蛔類受氣之鬼生爲食類世間供  
食之畜形分砧案質布鼎鑊以已血肉於他人飽綿  
幽之鬼生爲服類駝驢牛馬蠶繭爲人服用和精之  
鬼生爲應類寒鴻社燕春鶯秋蟲應時而至明靈之  
鬼生爲休徵一切諸類瑞鳳祥麟神麇角端玄龜白  
鹿喜鵲喜珠之類依人之鬼生爲循類捕犬鷹鷂順  
人指使等類罪報懺悔畜生酌償先債若彼酬者分  
越所酬此等衆生還復爲人反徵其刺如彼有力兼  
有福德則於人中不捨人身耐還彼力若無福者還

爲畜生償彼餘直若用錢物或役其力償足自停如於中間殺彼身命或食其肉如是乃至經微塵劫相食相誅猶如轉輪互爲高下無有休息罪報懺悔彼梟倫者酌足復形生人道中叅合頑類顛愚蒙昧不知義理之報懺除彼咎徵者酬足爲人叅合異類異形異心爲妖作禍之報懺除狐倫者酬足爲人叅於庸類鄙鈍下劣不識廉隅之報懺除毒倫者酌足復人叅合佞類陰險蓄恨殘忍喪心排探柔善之報懺除蛔倫者酬足復人叅合微類輕賤下流賊獲奴婢綱紀之僕仰食侯門之報懺除食倫者酬足復人叅

合柔類厚貌深情柔奸軟媚之報懺除服倫者酬足復人叅合勞類肯綮疲憊精氣勞碌之報懺除應倫者酬足復人叅合文類稍知章句妄竊才名之報懺除休徵者酬足復人叅合明類小聰小慧邪見邪思或爲齊諧志恠山海搜神之書或作淫辭艷曲蕩佚人心之說及絕技喪真精藝溺志之報懺除循倫者酬足復人叅合達類狂放擗散簡傲不羈跼踈仁義滅裂禮法之報皆餘業旁受非其正因故曰叅合此等悉是妄想虛業之所招引悟則非有懺悔復有從人不依正覺修三摩地別修妄念存想固形遊於山

撰述

石林處多事

林人不及處有十種仙較人爲優比天爲劣彼諸衆生堅固服餌而不休息食道圓成能駐孩童之顏能延百千之壽不得輕舉者名地行仙堅固草木藥道圓成食黃精松栢上品藥物身輕冲舉者名飛行仙堅固金石化道圓成鍊九轉還丹尸解蟬蛻點石死汞往來人間者名游行仙堅固動止氣精圓成熊經鳥伸消息陰陽專氣致柔齋精剉銳履空入冥者名空行仙堅固精液潤德圓成鼓華池吸沆瀣焯約若處子不交人欲者名天行仙堅固精色吸碎圓成吞日月精華吐固納新飲流霞服虹霓昭合光耀者名

通行仙堅固呪禁術法圓成持呪入神禁蛇蟲無毒屍起能行呪水書符驅崇療病役使鬼靈者名道行仙堅固思念思憶圓成泥丸出神丹田養珠隔遠見物名照行仙堅固交遘感應圓成坎離配合金木調濟裁接陽生采取陰汞名精行仙堅固變化覺悟圓成見春榮秋悴覺化理綿密觀滄海桑田悟有力潛移名絕行仙皆不修三摩地以邪法鍊心別得生理壽千萬歲或住深山海島斯亦輪迴妄想流轉報盡還來散入諸趣之報懺悔勝心作福惡意行檀怒人之求帶恚而與施惠多瞋故得天福力而非天倫阿

修羅趣之報懺除三界諸天之中以凡夫前身處人  
 間世因於姪欲漸輕漸薄轉微轉無繇是報得妙身  
 樂境修齡勝趣耽荒逸豫不覺無常五衰相現見生  
 處不如苦惱逼心之報統懺隨順殺盜姪起輪迴性  
 昏沉七趣諸有為相妄想受生妄想隨業經無量劫  
 不識本心不得真淨之罪惟願了見自性達罪福相  
 如湯消冰如燄點雪不入諸趣徑登覺岸皈投調御  
 加被攝受得如所願 此入尊佛出菩薩藏經  
 南無無憂世界月勝吉佛  
 南無歡喜世界栴檀吉佛

南無賢世界無邊光明佛

南無饒益世界幢吉佛

南無月光世界無憂吉佛

南無有幢世界寶刹佛

南無有月世界光明吉佛

南無普寶蓋佛

南無寶俱蘇摩身光明勝佛

南無最勝波頭摩奮迅勝佛

南無無量香勝王佛

南無金剛堅強消伏壞散佛

南無有鳴世界華德佛

南無日輪光明勝佛

南無三昧勝奮迅佛

南無電燈幡王佛

南無東方藥師琉璃光七佛

南無西方極樂世界三十六萬億一十一萬九千五

百同名同號大慈大悲接引導師阿彌陀佛

南無不誑一切衆生菩薩

南無無量功德海意菩薩

南無東方無畏佛國光明幢菩薩

南無南方智聚佛國智勝菩薩

南無西方智山佛國寂根菩薩

南無北方那羅延佛國願意成就菩薩

次復懺悔我等以憤驕之心躁競之念不懷忠孝不  
崇道德今身前世於祖父母父母翁姑家長不知感  
恩懷義不能承顏順志色養敬重忤逆不孝面則麤  
言抵觸背則惡語罵詈黑天悖理甚至舉手毆打平  
時不修定省溫清有疾不加按摩湯藥歸終不能盡  
禮殯葬歲時或缺祭掃墳塋乃至伯叔昆弟夫婦姑  
姨六親不和起諸怨結不信朋友不睦鄉黨不知禮  
義廉耻母女姊妹棄無道行蔽偏頗買賣欺乖造言  
興訟傳播是非架空架捏破人身家倚勢強梁奪人  
妻女操戈入室德以怨酬忍入井而下石利其財而

殺人刀筆舞文儻隸恐傷爲臣不忠奉職無狀希功  
誤國裕已剝民伐異黨同進諛退直草管人命殺人  
媚人培尅錙銖用若沙土或交煽敵國構起兵端戎  
馬生郊生靈塗炭或戮良抵級殺降冒功或寄形泉  
石而捷徑終南託迹江湖而心懸魏闕或山人術士  
而挾制當衡蓮社竹林而譏評朝政末法季運僧尼  
沙彌殉利求名缺齋犯戒我相堅固忍力眇微侵損  
常住驅役淨人互用三寶財物私竊伽藍花果八種  
不淨儲蓄過多六種和敬自來無有以徂詐爲權巧  
以狼貪爲幹蠱傾險甚於俗子媚嫉過於妬婦入見

儕輩有勝善事如釘入眼熱惱忿恨夢醒匪寧便起  
惡心肆加撓害一粥一飯不如其意卽生異事報復  
於他不念剃度恩深法乳義重嫉師怨師毀師謗師  
嫌人嫌法慢慢過慢慢增上慢欺侮年高臘長虛消檀  
越信施詐現有德謬稱知識禪觀不修雜攬俗事鬪  
諍生端幸災起訟撥無因果謗方等大乘訶罵佛祖  
輕西方淨土假衣賴教邪命非爲私心樹立私黨惡  
性追隨惡朋尅落爲善錢財減削衆僧衣食指捏募  
化自飽箱囊毀售聖像販賣經典覆藏重罪隱匿瑕  
疵如獅子蟲爲魔伴侶敗壞佛教滅損法門如是耳

磬目花獨知之地所作黑業或於現身受報或來生受報或後多生受報今仗三寶尊靈威德一切懺悔不敢萌作若定業難逃猶望轉重爲輕成益頓超帶業往生無量壽國令諸冤家同得無生法忍上來懺悔前五識第六意識末那識阿賴耶識見思煩惱六根六塵十習因六交報七趣三報餘罪已竟身心內外皎如冰壺從今已去不經大小三災不生八難及無佛之世於佛法僧深加敬信見四聖諦理逆順觀悟十二因緣迴聲聞緣覺心立大菩提心發妙耳門得圓通本根入首楞嚴三昧一切事究竟堅固誓度

衆生成等正覺於中修行奢摩他毗婆舍那三摩禪那於色陰受陰想陰行陰識陰洞達精明生因識有滅從色陰不遭羣魔撓亂爲細魔事魔境現前悉能諳識弗爲感動心垢洗除不落邪見陰魔消滅天魔摧碎大刀鬼神禪魄逃逝魍魎無復出生直至菩提無諸少乏不劣增進於大涅槃心不迷悶令此羣魔悟妄想因俱得道果以此功德善願佛法靈通在會臣民稽首虔誠高呼忭躍一心仰祝

當今皇帝

性

下萬壽萬安萬福萬祿萬天保佑萬神護持萬機之暇萬法歸一以一統萬萬事得理萬民安



樂萬國來朝本技萬世祚享萬億萬里塵清萬方寧  
 謚五星順序五穀豐登五兵斂戢五教興行輔弼將  
 相部寺百僚臺憲監司忠貞亮直郡邑臨民清廉公  
 正高遷品秩弘護教門恒憶靈山之付囑永爲佛法  
 之金湯專爲歸依大覺得如所願滿菩提願此七尊佛出千

緣經

南無寶華琉璃功德光耀佛

南無寶燈焰王佛

南無須闍提大善寂佛

南無帝寶幢摩尼勝光佛

南無寶蓋照空佛

南無殊勝月王佛

南無妙樂國歡喜莊嚴珠王佛

南無寶華奮迅佛

南無大光明佛

南無寶藏佛

南無無量寶佛

南無身尊佛

南無梵自在佛

南無內豐珠光佛

南無樹王豐長佛

南無波頭摩勝世界賢勝佛

南無鏡輪光世界月智佛

南無莊嚴慧世界一切通光佛

南無難過世界法光明波頭摩敷身佛

南無過去無量無邊海勝佛

南無諸根常定不亂菩薩  
南無諸根常悅菩薩

經云俱生無明輪轉生死結根唯汝六根更無他物  
應當詳審煩惱根本發業潤生汝復欲知無上菩提  
令汝速證安樂解脫亦汝六根更無他物三世遷流  
四方定位世界相涉三四四三宛轉十二流變三疊  
一十百千總括六根各功德有千二百依不變性  
具隨緣染淨二義逆順修行根塵對發四方各有三  
世三世各有四方就一方過現未過中復過現未現  
中復過現未未中復過現未及本法共成十從此乘

起過去十現在十未來十又增三世各百每方三百  
四方共千二百以今懺悔六根惡業因緣所萃福利  
願我等從此眼根具足八百功德父母所生清淨肉  
眼見於三千大千世界內外所有山林河海下至阿  
鼻地獄上至有頂其中衆生及業因緣果報生處耳  
根周聽十方一切聲聞圓滿一千二百功德鼻根聞  
於五分法身種種諸香具足八百功德舌根宣揚妙  
法恒嘗上味圓滿一千二百功德身根如淨琉璃三  
乘聖賢說法世界衆生生死善惡悉於中現具足八  
百功德意根默容通達無量妙義洽世語言皆順正

法六趣衆生心所行動皆悉知之圓滿一千二百功德返流全一六用不行轉八識成四智去泥純水永斷根本無明萬行密因圓滿六波羅密三增進故單複十二善能成就五十五位真菩提路具足五根五力七覺支八聖道十八不共法三十七助道品圓寂涅槃清淨妙德如上禮佛懺悔覺悟功德更當發願回向但凡夫洞視分寸隔紙膜而不見聰聆百步逾里井而弗聞莫知嚮方仰承

教主本師釋迦牟尼佛深慈大悲聞示西方公案橫截直超法門爲末世第一救度津梁依教信受尊敬

奉持禮懺衆等一心皈命

極樂世界阿彌陀如來我聞如來廣發四十八願莊嚴淨土普攝有情十方諸佛所共稱讚我今發菩提心觀念如來百福萬德十號三身於念念中仗如來力我及衆生有識至今罪惡怨對願悉滅除魔事潛消淨業成就巍巍金相燦燦寶池但作思惟隨意顯現十二時中寤寐靜散恒與如來光明交接常蒙如來醍醐灌頂甘露酒心授我等持開我妙慧預知捨報正念安詳阿彌陀佛觀音勢至化佛菩薩寶幢珠蓋天樂異香希光聖境徧滿虛空來至我所令諸衆

生同得見聞喜踊感發近相勸誘我時承佛垂手提  
接登金剛臺如彈指頃隨佛往生極樂國內勝蓮花  
中花開見佛卽聞佛乘頓圓佛智得授佛記一時了  
達無量法門不捨萬行游行十方佛佛出現皆親奉  
事等密迹之保綏同梵王之勸請獲慶喜之總持興  
純陀之後供起舍利塔高至梵天弘大乘與住於劫  
盡住首楞嚴三昧於一念間分形散影徧應七趣以  
身充滿無量阿鼻等獄凡有苦具都集我身代諸衆  
生受其極苦令脫輪迴咸登不退如是三塗五濁經  
歷靡休六度四弘勇健無息深誓如地藏精進如能

仁證文殊智海人普賢行門具彌勒慈心滿觀音悲  
願亦如十方諸佛菩薩誓願回向統以法界爲一佛  
土於後六道業漏煩惱一切永盡二乘回心盡菩薩  
行願盡佛出興盡涅槃盡乃至盡空法界情器世間  
純成智正覺真如是際不生不滅不增不減不變不  
動不出不沒我願乃盡最後作佛有一不盡不取滅  
度我此願王廣大如法界究竟如虛空窮未來際不  
相捨離假使鐵輪旋頂五熱炙身誓不退墮仰惟  
常馱大士哀憐護助晝夜增長福不障道苦不忘修  
倘我力微業重德薄釁深見倒情迷反常異執菩薩

善友亟生悲憫開諭呵責還得本心十方三寶證盟  
攝受

南無東方滅諸怖畏佛

南無南方日月燈明佛

南無西方覺花光佛

南無北方發功德佛

南無東南方除眾感冥佛

南無西南方無生自在佛

南無西北方大通王佛

南無東北方空離垢心佛

南無下方同像空無佛

南無上方琉璃藏勝佛

南無天上龍宮他方此界二乘五教十二分九部修

多羅藏戒律藏對法藏一切經典

南無他方此界塔廟伽藍天宮龍宮夜叉鬼神宮人

王宮臣庶家堂所奉佛像菩薩羅漢像真身舍利

一切形像

南無准提佛母菩薩

南無救度佛母菩薩

南無訶利多辟支佛

南無婆利多辟支佛

南無西天東土宗教歷代祖師傳經翻譯三藏法師

南無摩訶迦囉菩薩

南無金剛亥母菩薩

南無穢迹金剛菩薩

南無密迹金剛菩薩

南無金剛手菩薩

南無摩利支天女菩薩

撰述

依楞嚴經卷下

南無護法護戒護諸伽藍塔廟擁護持呪護靜護人  
衛護國界影響權化諸天八部善神菩薩

南無三洲感應常馱菩薩

自皈依佛當願衆生體解大道發無上心

自皈依法當願衆生深入經藏智慧如海

自皈依僧當願衆生統理大眾一切無礙

禮懺衆等再將功德分施各人先亡祖禰父母六親  
九族師友乘此良因在善道者增長天福處惡趣者  
解脫苦輪銷復六根止息三報觀罪性空照無明惑  
各悟本性彌陀俱生唯心淨土見佛聞法逮無生忍

散週沙界有情齊成佛道在會善信歡喜奉行展轉  
勸導親友知識改過遷善人人悔悟各於半月半月  
修崇道場繼續懺法廣化有緣同圓種智虛空有盡  
懺願無盡至心頂禮三寶

依楞嚴究竟事懺卷下

禮佛六進計一百五十拜

下卷繳懺意

向上叅究理懺決透疑關根塵識業已銷除現生後  
報俱清淨地獄粉碎業海枯乾刀山劍樹作香林鑊  
湯鑪炭爲池沼阿旁生善道刑措何施獄主坐蓮臺  
晝地不入轉識情而成智境變濁惡而化淨方俱霑

支那

長安嚴密經書藏卷下

三

十地光明同聽天鼓說法鬼道絕饑渴畜類免戕吞  
盡此一報之微形咸悟三乘之妙理愧慙自責悔禍  
內慙放捨前世怨家種植未來道果今則禮懺衆信  
并及有情等行難行之善事懺難懺之惡條服甘露  
之妙藥入不死之壽邦十障二十二愚應念銷落九  
結八十一使卽時併除人法悉空斷常斯遣二邊刷  
盪慧日當天三漏陶鎔智鋒出匣現前無少物寂照  
一如當下出言詮是非雙泯七處微心心已徹入還  
辨見見惟精轉物卽同如來歇狂便登正覺因緣自  
然皆戲論合和離卽示真常無狀忽生世界有愛遂

爲衆生斷殺盜婬絕業果色五濁澄靜十界混融一  
解六亡而圓通自在三義四律而秘密摠持從前輕  
重罪障未及懺悔者如湯消雪末世破戒棄殘一聞  
法音者如風吹沙十二類盡入涅槃五十種皆爲護  
法惡星凶煞年歲巡官保綏懺法助佑善人梵王天  
帝金剛藥叉默相國朝陰翊王度當道官員超遷優  
擢在會僧俗福集身安又爲從來信善檀越施財所  
以施命受供實乃受恩伐爲懺罪報答又酬天地覆  
載日月照臨祖師傳譯父母生鞠先聖先賢播種五  
穀設立房室製作衣服修置器用種種資生之具利

益後代之恩培植生成統爲禮懺報德初機僧行不  
修戒簡不閱律文安知持犯之條罔識昇墮之目因  
循遷就看面隨時將常住信施財物私竊公漁明典  
暗賣結納勢要滋潤俗親果報至重卽食彼人糞之  
蟲尚墮地獄况受彼人物之輩厥罰可知咸爲懺悔  
又衆生悖戾思地修怨傾陷親友毀詈師尊縱道王  
章終遭鬼戮并爲懺謝水乳和同一切俱淨今茲道  
場所在穢汙陳設荒踈對越之際忽心思外緣諷誦  
之間乃意牽別事禮拜欠恭身衣弗潔庖厨未淨走  
使不虔所有乖張悉求懺悔凡心未兆聖智先通

普賢王菩薩摩訶薩

修次依楞嚴了義究竟事懺跋語

懺法度世仗以滅罪生善繇來尚矣而華嚴懺卷帙  
富博彌月方竟不甚傳布法華懺金光明懺南中人  
目所未覩今之流通者梁法雲僧祐諸師以齊竟陵  
文宣王子良夢感所撰淨住子二十卷節爲十卷卽  
梁皇懺也南宋孝宗之世左街僧錄若訥撫取佛名  
經十五卷之文爲水懺三卷觀夫兩懺詳畧雖殊理  
無不該事無不盡無所容置喙矣然人心輕佻於祭  
祀之誠肅敬難久今梁懺竭履四日以屬倦怠中下



之家以費鉅阻辦而水懺一日有拜三部者似乎繁  
簡未中釋禪既獲退居牟尼山止觀之際覺其根塵  
之宿業偏重思欲湔洗乃依楞嚴經修次懺法二卷  
四百餘拜終日可畢持以澡雪罪垢楷磨靈臺不敢  
輒以示人已而幡然曰此豈一人之私願乎遂聽徒  
屬抄寫夫有可廢之人無可廢之言誠能不賤近貴  
耳試熏修之未必不為淨土禪悟之助因也苟不當  
意置之也可

懺終梵讚

楞嚴懺慧日正當中究竟堅固事無窮六根虛妄罪

俱空毫光云現紫金容解心結悟心宗法法盡圓  
通

楞嚴懺悔十習六交根塵虛妄罪俱銷實所信非遙  
淨土名標彈指即能超  
南無普懺罪菩薩摩訶薩

直音

俊俊躓列驟奏索色嚮向鱗鉢攪攪暉批輓輓轉交  
輦會蹙促瀛銀渤幸糲轉羶山屺藉儻臺獨嶽禪位  
上善嚮育羸雷攀鑿跛波菅間蕪裸而農潤混索索  
同累囂鼻滌狄梯提蠡禮焦焦楫節矚竹緊意崖卓遠遠

渠酷哭族湊暘語鏖教億拜吟割錦村培款龍淨蓓

苗暹阿蝻酋蟻齊蛻退蛤古蜃瞬暈運玦决燧林

顛專駮岩瓊早蝻丁蠟翁蜡昔戢恚入鬪豆

殂芻撤叟渾旦蛻軟斫卓嗑涓嗑涓嶮六逆崩魄堆慤上

研年燂扎鉞月醜正礮力磴外捺納律六逆崩魄堆慤上

貿站綻稍撞壯刺事射石鉗度剛寡倕業襍匣窠

業薈颺林鯤提能奴來鮫脰謎魍苗祟歲宰崔

委蛇下儀襪機砧珍膚君鷄要佞恒上蔡頂慶樗上

聲提屍假奇色齧戒娟妹物胃三音倅音禡音禡音禡音

終

